

PM: Demo jalanan, tunjuk punggung bukan budaya kita
MalaysiaKini.com
11 September, 2012
Oleh Aidila Razak

Perdana menteri mengecam tindakan seorang pemuda yang menunjukkan punggung kepada posternya dalam perhimpunan Janji Demokrasi pada 30 Ogos lalu sebagai tidak melambangkan jati diri seorang rakyat Malaysia.

Datuk Seri Najib Razak berkata, tindakan itu dan demonstrasi jalanan tidak melambangkan nilai Malaysia dan tidak patut digalakkan.

Tiada apa yang perlu dibanggakan dengan tindakan itu, katanya merujuk kepada perhimpunan di Dataran Merdeka Kuala Lumpur yang antaranya menuntut pilihan raya bebas dan adil.

Dalam perhimpunan ambang merdeka itu, seorang pelajar melondehkan seluarnya dan menunjukkan punggung ke arah gambar Najib dan Rosmah.

Berhubung insiden itu, pelajar tersebut telah disoal siasat dan dibuang oleh kolej tempatnya melanjutkan pelajaran.

Copyright © 1999-2012 Mkini Dotcom Sdn. Bhd
Source: <http://www.malaysiakini.com/news/208551>